

公文

廣東全省改良蠶絲局覆本校函

敬覆者：昨奉

大函，關於租金由敝局經費項下支撥一節。竊敝局所領經費，與預算額比較，已相差甚遠，雖極力撙節。亦不敷支。近日又奉政治會議廣州分會訓令黨政各機關，由二月份起，所有薪餉公費等項，均以八成現金支付，其餘二成，中紙，一律封存中行，以為整理金融辦法。因之敝局經費，更為減少，加以年來本省絲業不振，絲商蠶農，交相受困，籌劃補救之方，萬不容緩；故敝局本年擬將改進絲業種種計劃推行，務使廣東絲業不致從此衰落。然在在需財，無款不足以利其事；是以該項租金，目下萬難由敝局經費項下騰挪。一俟經費稍為寬裕，當有以報命也。特此佈覆，諸希 諒鑒，為荷。此致

鍾校長
李副校長

代理廣東改良蠶絲局局長傅保光啓

中華民國十七年二月十一日

本校覆廣東全省改良蠶絲局函

逕覆者：頃奉

大函畧開：敝局本年擬將改進絲業種種計劃推行，務使廣東絲業不致衰落；然在在需財，無款不足以利其事；是以該項租金，目下萬難由敝局經費項下騰挪。一俟經費稍裕，當有以報命。等由。准此。查 貴局繳交敝校租金每月四百元一事，前承

廣東省政府議決，呈奉

政治會議廣州分會通過，復由敝校函請

財廳，由十六年十月一日起，按月發給各在案。是則敝校自應

按月收租，以充經費。至於應由何機關繳交，則純屬

政府權責，敢請

貴局迅將實情呈報實業廳，俾該項租金敝校早得收領。至緝

公誼。此致

廣東全省改良蠶絲局代局長傅

私立嶺南大學校
副校長李應林

中華民國十七年二月十四日

致各省教育廳教育會請填錄學校表冊函

逕啓者：敝校極欲與國內中上各校，時通消息，以相切磋，冀於教育前途，有所補益。現時敝校所存之各省中上學校表冊，歲序更移，恐多遺漏。素稔